

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA TRAVNIK
JU Zavičajni muzej Travnik**

Broj: 313/16-2

Datum: 25.10.2016. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 35. Statuta JU Zavičajni muzej Travnik, a u vezi s preporukom Komisije za javne nabavke broj: 312/16-2 od 25.10.2016. godine, direktorica JU Zavičajni muzej Travnik, **d o n o s i**

R J E Š E N J E
o izboru najpovoljnijeg ponuđača

Član 1.

Dodjeljuje se ugovor za javnu nabavku radova - Izrada i ugradnja nosivih greda i prozora u prizemlju Memorijalnog muzeja Rodna kuća Ive Andrića ponuđaču LAMPEX d.o.o. Travnik, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis gore izabranom ponuđaču po protoku roka od 10 dana od dana kada su svi ponuđači obaviješteni o izboru najpovoljnije ponude.

Član 3.

Za izvršenje ovog Rješenja zadužuje se Tehnički sekretar JU Zavičajni muzej Travnik.

Član 4.

Ova odluka objavit će se na web-stranici. JU Zavičajni muzej Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke radova - Izrada i ugradnja nosivih greda i prozora u prizemlju Memorijalnog muzeja Rodna kuća Ive Andrića, općina Travnik, proveden je putem direktnog sporazuma broj: 311/16-2 od 17.10.2016. godine.

Procijenjena vrijednost javne nabavke iznosi 5.500,00 KM, (slovima: pethiljadapetstotina KM 00/100), odnosno 6.435,00 KM sa uračunatim PDV-om (slovima: šestiljadačetiristotinetridesetpet KM 00/100).

Komisija za javne nabavke JU Zavičajni muzej Travnik, imenovana Rješenjem direktorice JU Zavičajni muzej Travnik broj: 093/15 od 31.03.2015. godine, dostavila je dana 25.10.2016. godine direktorici JU Zavičajni muzej Travnik zapisnik broj: 312/16-2, o ocjeni ponuda sa preporukom o izboru najpovoljnijeg ponuđača za postupak javne nabavke radova - Izrada i ugradnja nosivih greda i prozora u prizemlju Memorijalnog muzeja Rodna kuća Ive Andrića.

U postupku po dostavljanju zapisnika konstatovano je da je Komisija za javne nabavke blagovremeno i ispravno izvršila javno otvaranje ponuda i ocjenu prispjelih ponuda, te je utvrdila da su prispjele dvije ponude ponuđača LAMPEX d.o.o. Travnik i VLAŠIĆ GRADNJA d.o.o. Travnik. Ponude su blagovremene i prihvatljive.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka direktorica JU Zavičajni muzej Travnik nije našla nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Na osnovu kriterija najniža cijena izabran je najuspješniji ponuđač LAMPEX d.o.o. Travnik sa ponuđenom cijenom 5.800,00 KM sa uračunatim PDV-om.

Na osnovu izloženog, a u skladu sa članom 64. stav 1. tačka b), riješeno je kao u dispozitivu.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Direktorica JU
Fatima Maslić dipl.ist.umj.

DOSTAVITI:

- Arhiva
- Ponuđači

